

D, D.

DISSERTATATIO JURIDICA
DE
HYPOTHECA.
PARS II.

QUAM

SUFFRAGANTE CONSULTISSIMA FACULT. JURIDICA
IN REG. ACAD. ABOËNSI;

PRÆSIDE
MATTHIA CALONIO,
JURIS PROF. REG. ET ORD.

Publico Examini submittit

GABRIEL POPPIUS,
Wiburgensis.

DIE XII. MAI. ANNI MDCCXCII.

L. H. A. M. C.

AEOË, TYPIS FRENCKELLANIS.



§. 7.

Sed de hypotheca tacita satis jam superque. Quod hypothecam expressam adtinet seu conventionalem, duæ ejus constituendæ videntur species, quarum unam *Communem*, vel si *mavis*, *vulgarem*, quæ qualibus demum cuncte debitis ad *juris communis* normam di-judicandis accedere possit; alteram *Chrematisticam*, negotiatoriis quippe solum contractibus adjici solitam, dicere licebit (a). De utraque, cum et qua personas contrahentes, & qua res in obligationem deducendas, & qua ipsum constituendi modum, & qua effectum denique, diversa admodum earum sit ratio, distinctim erit agendum.

(a) Sicut *facta*, e quibus jura & obligationes, ac proinde *credita* quoque & *debita* inter cives oriuntur; sic etiam *hæc ipsa* in duplice sunt discriminé. Aut enim talia sunt ut inter omnes ex æquo homines, credendi solum & debendi capaces ex quacunque demum caussa existere possint, aut sic comparata, ut certum quendam personarum statum, & peculiarem insimul, quæ huic statui propria sit, debendi caussam supponant. Si *prius*, ad *jus privatum commune*; si *posteriorius* ad *jus speciale*, & qui-

quidem aliquam *Juris Chrematistici* partem, eorum quatum pertinet consideratio. Quam autem quæ ex contractu Chrematistico debetur pecunia, cautiones haud raro admittat, quæ vulgaribus debitibus applicari nullo modo possint; adparet inde, idoneo satis fundamento niti, quam inter hypothecam *Communem* & *Chrematisticam* constituendam volumus distinctionem. De illa in *Jure communis* agitur *IX. FBI. VII. RBI.* De bac vero & diversis ejus speciebus, quarum remissive tantum mentio fit *XVII. 7. HBl.* in *Jure* partim *Nautico I-VIII.* & *IX. BodmBl. SjöL. K. Haveri och Förskräk. St. d. 8 Octob. 1750 Art. III. §. 1 om Förskräcking. K. M. Privil. ang. farten och bandelen på Ostindien d. 2 Maii 1782 §. 21. partim *Metallurgico* K. Förlagsordn. d. 24 Febr. 1748. partim denique *Opificario*. K. M. förrnyade allm. Manuf. Privil. d. 29. Maij 1739. §. 23. K. Reglem. d. 27. Octob. 1749. Artic. III. K. Hallordn. d. 2. April 1770. Artic. V. dispolitum invenies.*

§. 8.

Objectum *Hypothecæ expressæ communis* solæ constituent *res immobiles* (*a*). Harum vero quum varia admodum sit ratio; hypotheca autem rem desideret, quæ pro re nata in solutionem debiti alienari & distrahi queat (*b*): consequitur inde, non alia hoc nomine obligari posse *immobilia*, quam quibus in *privata* esse *proprietate* contingere potest. Qualia quidem sunt *prædia provincialia censitica* (*c*) & *immunia* (*d*), ut & *prædia municipalia* (*e*) una cum *fodinis minerarum molendinis*, ac *officiniis* quali demumcunque in *solo* sitis

tis (f). Ad hæc scilicet, quatenus in *pleno privatorum dominio posita* (g) per se *subsistunt*, & *separatim alienari possunt* (h), regulariter omnis *restricta est obligationis hypothecariæ*, de qua nunc nobis sermoest, inducendæ facultas. Ad exceptiones enim pertinet, quod nonnulla, quæ *utili* quidem, sed ad *plenum quam proxime accedente dominii genere tenentur prædia*, certis sub conditionibus a suis *possessoribus in fidem crediti obligari queant* (i).

- (a) Res, quæcumque in bonis esse & usibus hominum inservire possunt, dupli *immobilium* & *mobilium* classe contineri & res ipla docet, & varia Juris nostræ loca innuunt, quippe quæ formulæ *Fast och löft*, *Jord och lösbören*, *Lösboren och Fast gods* IX. 1. XII. 4. ÅBI. XI. 8. GBI. V. 5. *UtsBl.* universum, quod contingere cuiquam potest, patrimonium comprehendunt. Etenim licet hæc divisio, ex vocabulorum potestate spectata, ad *res tantum* pertinere videatur *corporales*, quatenus nimirum de his solis *proprie* loquendo prædicari queat, quod aut *non possint* aut *possint* omnino de loco in locum transferri; attamen ad *res etiam incorporales* eadem *improprie* & analogice applicatur; ut proinde jura, quæ ex *perpetua caussa* in re immobili alicui competunt, & cum ipso rei corpore inseparabiliter sunt connexa, in *immobilium* classem referantur. In quibus igitur computantur non modo (1) *Res Soli*, ut sunt *agri* & *prædia* sive *provincialia*, *Jord å Landet* X. 4. GBI. III. 1. ÅBI. sive *municipalia* *Jord i Staden* III. 1. ÅBI. eller *å Stadens mark* X. 3. GBI. som afbyst är X. 19. RBI. *Fodinæ minerarum, lapicidinæ &c.* Vid. CHRI. F 2 STIER.

STIERNIN om ågande rätt til Grufvor och malmstrek
Upsal. 1771. Piscaturæ quævis, Håradsskrifv. Instrukt.
d. 16. Octob. 1689. §. 2. Instrukt. för K. CammarCol-
leg. d. 11. Octob. 1734. §. 2. K. Cam.Coll. bref d.
10. Decemb. 1724. §. 4. Et (2) ædificia, officinæ, mo-
lendinæ & machine aquatice, quatenus nempe soli cui
infistunt proprietatem vel omnimodam, vel saltim ex ju-
re superficie, qua præcipuum sui partem secum habent
conjunctam, ut Hus och Watrwerk å landet, ebaud de
å egen eller annars grund bygde åro X. 2. GBl. eller
i staden och å stadens mark X. 3. GBl. Bruk och Ham-
rar X. 17. RBl. K. Br. d. 18. Maji 1689 Manufæctur
Werk och inrätningar K. Manuf. Privil. d. 29. Maji
1739. §. 1. 2. Verum etiam (5) omnes species do-
minii utilis quæ in prædiis rusticis obtinent. Cfr. Diff.
de paclis antenupt. Aboe 1781. §. 4. (not. d) p. 22.
Quemadmodum & (4). Jus percipiendi census annui
prædiis rusticis impositi Cfr. K. Förordn om Bördsrätt.
å landet d. 17. Juuji 1720. §. 1; nam licet ipsi redi-
tus anni jam percepti & a corpore rei immobilis sepa-
ratii in mobilibus recte habeantur, X. 2. GBl., ipsum
tamen jus eorum percipiendorum immobilium vicem subit;
ac demum (5) servitutes quævis prædiales, Besvär och
last som ligger å jord, af vägar, Fädrift, Watuled-
ning och mera XXV. 17. RBl. Atque hinc, quænam
mobilium veniant nomine, facile jam est perspectu, res
videlicet (1) phyllice tales ut sine nominis mutatione &
salva sua substantia de loco in locum transportari que-
ant. (2) Jura, quæ vel in immobilibus quidem, sed sine
ulla proprietatis particula & absque perpetua causa ut
e. g. antiebressis Adel. Privil. d. 16. Octob. 1723. §.
27. & ipsa hæc de qua loquimur hypotheca; vel in mo-
bilibus alicui competunt, ut & omnia, quæ in personum
non

non in *rem* scripta sunt. Quumque in ædificio, ut pro *immobili* habeatur, jura hoc requirant, ut vel *soli* cui inædificatum est *proprietatem* quandam involvat, vel ad prædii alicujus substantiam integrandam legali necessitate pertineat; colligitur inde quæ sit ratio, quod (3) *mollendine Pneumaticæ, Wäderqvarnor,* inquilinorum dominulae, *Backestufvor,* aut quæ quis *preter* necessitatem ac folius voluptatis caufa in predio a se possesto exstruenda curavit ædifica; pariter ac quæ alieno solo temporarii ulus caufa imposta sunt, partim ex scripto, partim ex consuetudinario, jure *mobilium* vice censeantur. Cfr. *K. Husefyns och Bost. Ordn.* d. 15. Sept. 1752. *Afdeln.* II. §. 3. *Förkl. däröver* d. 23. Januar. 1770. §. 4. *XXVII. 3 BygnBl. in fin.* Accidit cæterum haud raro, ut quæ reapie *mobilia* sunt, ex peculiari juris dispositione, *immobilium* naturam certo aliquo respectu induere jubeantur, XVII. 2. *ÄBI.* Sed cum *surrogatorum* istiusmodi *civilium* nulla in causis hypothecariis habeatur ratio; neque opus est, ut in eorum indolem hoc loco prolixius inquiramus.

(b) *Vid. supra* §. 2. (not. b) p. 14.

(c) *E Jure Camerali* notum est prædia provincialia in patria, habito ad eorum dominios respectu, in tres classes generalissimas, ut alia sit *Fiscalia* (*Kronobemman*), quæ tam quæ *fundi* quam *census* proprietatem in publico sunt dominio; alia *censitica* (*Skattebemman*) in quibus *soli proprietas* ad *privatos*, *census* vero ad *Fiscum* pertinet; alia denique *immunia* (*Frälsbemman*), quæ & quæ *soli* & quæ *census* proprietatem, in privato posita sunt dominio. Atque horum quidem, prout *dominium fundi* & *dominium census* vel apud unam ean-

demque personam conjuncta, vel inter duas diversas personas divisa fuerint, duo esse genera, unum *Immunitum Allodialium, Fullkomeligit frälse Adel. Privil.* 1723. §. 11. *Odal frälse ibid. § 24. Allodial frälse K. Förordn. d. 26. Julii 1731. §. 3. alterum, immunitum censiticorum Frälse Skatte Adel. Privil. 1723. §§. 9. 10. IV. s. JBl. Cfr. K Camm. Colleg. Br om JordesB. inrätt. d. 10. Decemb. 1724 §. 4. BOTIN om Svenska hemman I. VI. 8. p. 190.*

De iis quae ad primam classem pertinent, quum in *dominio directo* sint filii, adeoque oiam privatam respuant proprietatem, generaliter olim valebat quod cuiuscunque cæterum essent indolis, ex debitis suorum possessorum, nullatenus unquam tenerentur. *K. Br. d. 24. Sept. & d. 10. Octob. 1688.* Quemadmodum autem hinc per se consequebatur, quod neque pignori eadem opponere liceret: ita, quamvis qua prædia Fiscalia equestri militiae sustentandæ assignata (*Krono Rustbåll*), in tantum jam ab hoc rigore sit discessum, ut non modo in solutionem æris alieni a *domino utili* contracti, licita sit eorum distractio; verum & ut inter heredes divididi, atque alienata a proximis consanguineis intra gradum quartum per modum retractus relui queant. *K. Resol. d. 14. Octob. 1723. K. Förordn. d. 22. Febr. 1749. d. 30. Sept. 1756.*, nihil tamen minus provide cautum est, ne vel his, hypothecariam unquam inducere liceat obligationem. Hinc & in litt. Ordin. Regni d. 11. *Maji 1756.* quarum nervum exhibent Riksd. Tidn. 1756. p. 21. graviter monetur; *Krono Rustbåll samt berustade Säterier, som icke är köpte til Skatte, kunna ej godkännas för tilförlåteliga panter, emedan de är Kro-nans Egendom, bvaruti bvarken innebafvaren kan ige-nom*

*nom lagfart befästa sin rätt, eller en Borgenär igenom
intekning vinna någon fäkerbet eller förmonsrätt.*

Quæ altera classe comprehenduntur prædia quod attingit, omni caret dubitatione, quod eadem, quum in *plenum* privatorum *dominium* sint collata, adeoque quocunque legitimo titulo alienari, alienata in *Judicio* proclamatione & proclamatione rite peracta litteris firmatoriis judicialiter in proprietatem Creditoris addici queant; quod inquam in securitatem etiam pecuniae creditæ hypothecario nexus devinciri possint. Fuit aliquando *prædiorum censiticorum* Equestris militiae subjectorum (Skatte Rusthåll) durior hoc nomine conditio. Nam utut indubium sit antiquiori ævo, cum minus restricta essent, quæ privatis in bonis suis immobilibus competebant jura, prædia quævis censitica ad pignoris vicem subeundam idonea habita fuisse; quapropter & in Decreto Ordinum Regni, Argentariae Regni constitutivo, d. 22. Sept. 1668. §. 64. generaliter edictum, *på Skattejord må ock utlåningar ske*. Verum tamen equestris militia sollerius quam antea adornata, in hujus securitatem provisum est, ne quæ ei præstandæ destinata erant censitica prædia absque singulari S. Regiae Majestatis indulitu in solutionem pecuniae mutuae a dominis forte conflatae, distrahi deberent. *K. Resol.* d. 10 Nov. 1691. *K. Sv. HofR. Univ.* d. 12. Nov. e. a. Cfr. *K. Resol.* d. 20. April. 1696. §. 10. Qua & re factum est, ut in illa, saltim ab Argentaria regni, nulla crederetur pecunia. Cfr. *K. Br.* d. 29. Nov. 1698. Sed sicut prius illud vi Regiae *Resol.* d. 14. Octob. 1713. re ipsa, quamvis & verba strictiorem fundere videantur sensum, est abrogatum; sic & prohibitio, ne ab Argentaria Regni in fidem crediti hæc prædia recipiarentur, limitata primum est qua prædia Officinis Fer-
rariis

rariis adnexa K. Förkl. om län i Banquen d. 13. Octob. 1747. Cfr. K. Bref. d. 22. Julii 1752. & tandem sva-
demibus id Regni ordinibus penitus hablatum K. M. yt-
terl. Förordn. ang. fast Egend. som i Banquen pantsätt-
tes d. 14. Febr. 1757. §. 4 mom. 3. Adeo ut nullum
amplius inter haec ipsa & cætera prædia censitica, hoc
faltim intuitu, obtineat discrimin.

(d) Prædiorum *immunium* eadem plane quæ *censiticorum*
est ratio, & tanto quidem magis, quanto certius est
pinguisimam esse, qua haec ipsa a prima sui origine
privatis cesserunt possidendi conditionem. Interea tamen
de immunibus censiticis quæri fortassis contigerit, utrum
a *domino Soli* (*Jordågaren, Skatteråttsbafvaren*), an a
domino census (*Rånteågaren, som frälserått ther å äger*
IV. 5. BBL), vel an ab utroque & in quantum obligari
queant? Et existimaverim quidem sua radiare luce ab
utroque, *proprietario* nimurum *fundi*, qua soli ipsius æ-
stimationem, a *domino autem census*, qua *hujus* perce-
ptionem, hypothecam in hisce prædiis constitui, & u-
tramque absque ullius collisionis periculo una confistere
posse. De *illo* nemo, quod opinor, dubitaverit. Nam
utcumque expeditum sit, *domino census* jus esse ad tu-
tionem prædii, si id e re sua judicaverit, cum *proprie-
tario fundi* concurrendi *XV. 5. BBL*. & videndi ne hu-
jus culpa deterioretur prædium *X. 8. BBL*. Eum quo-
que vi *hujus* inspectionis & ad multam ex silva prædii
illegitime cæsa debitam, pro rata participandam *K. Br.*
d. 21. Nov. 1844. & ad damni quoque resarcitionem, si
arbores frugiferas cædi acciderit, silci vice percipiendam
XIII. 1. BBL vocari, quin imo si desertum relinquatur
prædium, ad *proprietatem soli* legitimo ordine sibi vin-
dicandum admitti, *HäradsF. Instruktion d. 9. Octob.*

1688.

1688. §. 10. *in fin.* Attamen cum negari nequeat his non obitantibus illimitatum plane, & a voluntate *domini census* nulla ratione pendulam alienandi prædii facultatem *proprietario fundi* esse indultam, *denunciationis* tantum beneficio & *relutionis* jure, si extra familiam (*utom bōrd*) alienatio fiat, *census domino* reservatis, IV.
 5. *JBl. Adel. Privil. 1723. §. 11. K. Resol. på Städ. allm. Besv. d. 3. Decemb. 1680. §. 19.* atque sic quidem plenum, licet non *absolutum* esse, quo *solum* ipsum a suo proprietario possid tur dominium; absurdum omnino foret jus eidem denegare veile prædium qua *fundi* ipsius estimationem, hypothecario nexu obligandi. Si enim ei licet quod majus est, cur quæso non licebit ei quod est minus? Nonne *censiticorum immunium* par plane quæ *censiticorum Fiscalium* hoc obtutu est ratio. Nulla namque in re pinguiora sunt quæ in *illis ordinib. nobilium*, quam quæ in *bis Fisco* competunt jura, *Emadan efter Privilegierna Ridderkapet och Adelen äger samma rått öfver Thes frälse, som Kronan äger öfver Kronohemman*, K. Br. d. 21. Nov. 1744. Si ergo *prædia censitica Fiscalia* omnibus patentibus a proprietario, ut & alienari sic & hypothecæ opponi poslunt; quid non & qua *prædia censitica immunia* domino *soli* idem erit integrum?

Quod autem *jus* etjam *annui census* ex prædiis hisce percipiendi, separatim ab ipso fundo cui inhæret spectatum, hypothecæ loco supponi possit, haud difficultius est demonstratu. Cum (1) *jus laudatum* per ante allata in rebus immobilibus computetur, & (2) Vi ipsius naturæ horum prædiorum a proprietate soli divulsum in privato esse posit dominio: ut p̄ioinde (3) ab ipso solo abstractum & seorsim consideratum, certo pretio aestimari, li-

bere alienari, imo & (4) extra familiam alienatum retrahi queat, *K. Förordn. om Bördsl. på Landet d. 27. Junii 1720.* §. 1. nihil sane impedit, quo minus idem, utpote quod contra quemvis fundi *proprietarum* exerceri potest, & securitati præstandæ omnino est idoneum, in hypothecam offerri & acceptari queat: quod ipsum etiam 5) praxis Argentariæ Regni evidenter confirmat, quippe qua *dominus census* ad eum hypothecandum admittitur. *K. Förordn. om Banco-Wärder. d. 4. Febr. 1757.* §. 4. Cfr. *K. Br. d. 5. Febr.* & *K. Sw. HofR. Univ. d. 9. Mart. 1768.*

(e) Prædia *municipalia* aut ædibus constant, aut areis habitationi vel quæstui qualicunque exercendo destinatis, *Hus och Tonit*, vel agris rei rusticæ colendæ inservientibus, *Åkrar, Ångar, Wretar, Betesmark.* Illa nisi in Fisci aut municipii iplius sint proprietate ad privatos pleno dominio pertinere, adeoque & oppignorari posse satis est manifestum. In *bis* contra, cum in prima urbis cuiusvis fundatione in communem usum donata, atque sic quidem in *dominium directum* totius universitatis collata intelliguntur, regulariter non nisi utile dominiam privatis competere potest. Quoniam igitur in Judicio nec proclamari, nec ad irrevocabilem effectum confirmari possunt horum alienationes, neque ullus in iis hypothecariæ obligationi est locus. *K. Br. om Städ. Donations jord d. 25. Sept. 1745.* *K. Br. d. 27. Apr. 1750.* *Landsböfd. Instrukt. d. 4. Nov. 1774.* §. 18. Haud tamen disimulandum est, ut non eadem qua holce agros singularum Urbium sunt instituta; ita' nec uniformem omnino in hoc puncto esse judiciariam praxin.

(f) Cfr. loca supra nota (a) ad hanc §. citata.

(g) Fa-

(g) Facile intelligitur non omnino sufficere ut res *immobilis* in qua hypotheca constituenda est, esse *possit*, sed requiri insuper, ut *revera sit*, in privato obligantis dominio. Accidit haud raro, ut *prædia immunia* talva sua natura, in *universitatum aut Piorum corporum* sint proprietate, *K. Camm. Coll. Br. om Jordeb.* 1724. § 4. *K. Br. om de Upsala Acad. donerade Hemm d. 18. Febr. 1747.* Accidit idem qua *ædificia, molendinas & officinas*, quarum & permulta *Fiscum* immediatum suum dominum agnoscunt. Quæ prouinde omnia, quamdiu extra privatam proprietatem constituta sunt, sicut non alienari, ita nec hypothecario vinculo obstringi queunt. Valet hoc quoque de *prædiis quibusvis*, quibus *Fidei commissaria* lex scripta est. Etenim quum in his, possessori non nisi *usus fructus* competit, dominio scil. fundi, secundum *præscriptam a Fidei-committente* *successionis normam universæ* cuidam familiæ reservato, evidens est eadem, qua *corpus ipsius prædii* ex debitis usufructuariorum obligari minime posse; *vid. K. Förlags Ordn.* 1748. §. 15. *R. Förkl. däröfver d. 15. Julii 1752.* illæso tamen, nisi aliter ea de re tabulis *Fideicommissi dispositum* fuerit, creditorum jure, ad solutionem crediti ex *reditibus prædii* impetrandam. Cfr. *K. Br. d. 9. Maji & K. Åbo HofR. Univ. d. 3. Junii 1783.*

(b) Est in hac doctrina sollicite distinguendum inter *prædia ipsa & prædiorum adpertinentias*. Illa sunt quæ propriam habent substantiam legalem, ut per se alienari possint; quorum quidem, si rustica sint, certissimus character est, quod in *Tabulis prædiatoriis (Jordeböcker)* speciatim recenseantur prout id patet ex saepius alleg. *K. Camm. Coll. Br. 1724. §. 4.* Ubi duo eorum constituantur genera, *HEMMAN och de til hemmantal O-*

SKATTLAGDE lägenheter, *Qvarnar, Torp, Gatubus, Akrar, Ångar, Fiskerier, Notdrågter &c.* Cfr. HäradsF. Instrukt. d. 9. Octob. 1688. §. 8. & K. Resol. på allmog. Besv. d. 29. Nov. 1756. §. 47. ubi sic describuntur, Utjordar som stå i Kronans Jordböcker med särskild nummer och ränta. Hæc contra vel partes sunt immobilium per se subsistenstium integrantes, vel eorum accessoriæ, quæ a suo toto vel principali divelli nunquam poslunt. K. Plac. emot Skattsk jords minskn. d. 21. Julii 1677. K. Plac. d. 14. Aug. 1690. K. Förordn. d. 28. Sept. 1762. IV. 9. JBl. XX. 3. RBl. in quibus igitur, cum separatim alienari nequeant, hypothecam constitui neutiquam posse, oppido liquet. Non quidem ignoramus esse haud paucos, qui dominis *prædiorum immunium*, & eorum præsertim de hoc genere, quorum lautiores sunt immunitates (*Frälse-Såterier*) licitam esse arbitrentur *adpertinentiarum* qualiuincunque illis subjacentium alienationem. Sed ut cuvis, nobis etjam non monentibus, in oculos incurrit, ex adserita privatis hac licentia immanem orituram esse posessionum omnium confusione & incertitudinem, publicæ rei non uno solum intuitu valde perniciosa; ita & in manifesto eos errore versari, & quod de *prædiis vestigalibus* non diminuendis sanctum est, de immunibus hactenus valere haud dubitamus. Cfr. Adel. Priv. 1723. §. 3. HäradsF Instrukt. 1688. §. §. 9. II. K. Camm. Coll. Instrukt. d. 11. Octob. 1734. § 17. Quamvis tamen negatum non velimus, *anticræses*, cuius alia plane est ratio, in horum adpertinentiis constituendæ, liberam pñne dominis concessam esse potestatem.

(i) Pertinet hoc ad *prædia Fiscalia Metallica*, *Krono Bergsmans hemman* & *prædia Emphyteutica*, *Såmje-ßadge hem-*

bemman. Quam propinqua *pleno dominio* sit, quæ in illis constituta est *domini utilis species*, optime explicant, K. Resol. på Allmog. Besv. d. 17. Sept. 1723, §. 77. & K. Förordn. om Skatteköp d. 19. Sept. 1723, §. 5. Quapropter ea in hypothecam dari posse docet, K. Förlags Ord. 1748. §. §. 9. 10. Longius quidem a *pleno abest jus Emphyteuticarum*, cuius præterea, pro diverso constitutæ *Emphyteuseos modo*, varia admodum est ratio, cfr. RÅLAMB. Observ. Juris Præf. Lib. III. c. 4. Obs. 3. p. 179. CL. PRYTZ Jus publ. R. Svec. Lib. III. c. 25. Quod tamen consentiente *domino directo*, in securitatem crediti oppignorare illa *domino utili* liceat, colligitur ex K. Resol. på Ridd. och Ådel. Besv. d. 27. Aug. 1668. §. 53.

§. 9.

Præstructo autem *contraktu principali*, ex quo debetur (a), constituitur hæc hypotheca, post præmium ultroneum, aut si injuste negari illum acciderit, *suppletum* a Judice *Debitoris* in rem suam immobilem in fidem crediti obligandam, *Creditoris* vero ad eam hoc nomine acceptandam *consensum* (b), legitima rei in obligationem deductæ in *regestis judicij* in *foco rei sitæ ordinario adnotatione* (c). Quæ quidem adeo est necessaria, ut quamdiu illa non accesserit, hypotheca, utecumque de illa inter partes conventum, vel a *Creditore* petitio jam insinuata fuerit, pro non-constituta habeatur (d).

(a) Observavimus supra §. 2. not. (d) p. 16. Hypothecam *contractum esse subsidiarium*, qui non supposito alio *contractus*

tracu principali ne concipi quidem queat. Dum ergo quis hypothecam judicialiter constituendam postulat, hoc primum est, ut ostendat pecuniam mutuam datam esse & acceptam *VII. 1. RBl.* cfr. *K. Förordn. om Intekn. d. 11. Nov. 1730.* § §. 2. 3. Invaluit nihil secus contra evidentissimam hujus negotii indolem, & disertissimam legis litteram, ut in gratiam futuri cujusdam sed adhuc incerti creditoris, debitores de pecunia undecunque mutuum accipienda solliciti, res suas immobiles in regestis Judiciorum adnotandas facerent, ne quantitate quidem debiti, in cuius securitatem obligarentur, indica ta, pesimum hunc morem, qui variis fraudibus commiscendis viam aperuit, opportune sustulit *K. Förordn. om aftr. och urarfva mål d. 26. Aug. 1773.* §. 20. qua sub *clausula irriti* cavebatur, ne ad nudam mutuantiam petitionem, & quamdiu de persona creditoris & quantitate crediti non constaret, ulla unquam constitui in Judiciis deberet hypotheca.

(b) Consensus debitoris, aut mox in ipso *chirograpbo*, & tum quidem vel cum expressa pignoratiæ obligationis in re sua constituendæ mentione, *Pantförförskrifning IX. 1. ZBl.* vel cum permissione solum hypothecarie cautio nis in hac vel illa re immobili constituendæ, *med lof at söka intekning*: aut ex *post facto*, ad creditoris ut hypothe ca judiciali suæ securitati consulatur postulantis instantiam, et hoc quidem in casu, vel *verbis vel factis*, in præstituto nim. sibi comparendi termino contumaciter emanendo, declaratur: aut denique si credito legitime probato, doceri a debitore nequeat illud solutum, aut alia aliqua ratione dilatum esse, a Judice ut declarata fingitur. *VII. 1. RBl.* Utrum acciderit, perinde est; nec pinguius ullum in uno quam in altero horum casu um

um jus in re hypothecata creditorī enascitur, prout id
intra uberius explicabitur. Cæterum consensum, qui
ipse ad consentiendum inhabilis est, sive debitor sive
creditor is fuerit, per legitimū suū Tutorem aut Cu-
ratorēm, qui autem *absens* per mandatarium impertitur.
Cfr. *supra* §. 2. Not. (c) pag. 15. seq. An vero validā
fit, quam quis non ex *mandato* sed per modum *negotio-*
rum gestoris, de quo XVIII. 10. HBl., in favorem ab-
scentis creditoris in iudicio impetravit hypotheca, *in causa-*
ja concursus Plomgreniana non ita pridem acriter est
disputatum. Et vicit quidem tentatio talem hypothecam
legitimam cenfieri non posse. Vid. K. Sv. HofR. Dom
d. 20. Jul. 1780. p. 55. seq. K. Nedre Just. Revis.
Betānk. d. 16. Decemb. 1780. p. 114. & K. M. Dom
d. 22. Jan. 1781. cui quidem potissimum inde accedit
robur, quod fieri vix ac ne vix quidem poslit, ut quis
negotiorum in hujusmodi causa *gestorem* pro absente se
obtrudat, nisi prius subolfecerit Debitorē facultatibus
lapsum esse, ceu & id ex eo præcise capite in hac causa-
fa factum fuisse, liquido satis apparuit.

(e) Interest fidei publicæ ut innescat omnibus & singulis
an & quatenus anteriori aliquo ære alieno gravata fint
immobilia, quæ in crediti securitatem cautionis loco cre-
ditori offeruntur. Ad certam autem ejus rei notitiam
consequendam nulla omnino supereffet via, nisi ex judi-
ciali adnotatione suspensa hæreret omnis hypothecarum
vis atque effectus. Cujus quidem adnotationis duplex
propterea est fructus, unus, ut præcidatur, quo ad ejus
fieri potest, ansa creditoribus dolo circumveniendis; al-
ter, ut, dum certo probari potest argumento, rem hypo-
thecæ oblatam, vel nulla penitus priori obligatione, vel
saltim non ultra veram suam estimationem, esse onera-
tam,

tam, minus impedita reddatu iis, quibus opus fuerit, pecuniae, hujus remedii subsidio, matuum obtinendae facultas. Erat id in magnis Jurisprudentiae *Romanæ* nævis, quod hypothecis privata plane scriptura constitutis, vim *juris in re*, etiam contra tertium possesse efficacis, attribuerent. Et quamvis tandem LEO Imperator, *I. 11. Cod. qui potior. in pign.* ediceret, concurrentibus pluribus hypothecariis, eos qui instrumentis publice confectis niterentur, præponendos esse iis qui ex *idioχεροις* jus pignoris vindicare sibi contenderent, parum tamen inde ad præcavendas fratides acceslit adjumenti, cum & pro *publicis* acciperentur, quæ trium vel amplius probatae atque integræ opinionis virorum subscriptione essent firmata. Nam ut nihil jam dicam de lubrica testium fide, de infinitis fere, quos hinc, existente inter plures hypothecas collisione, oboriri necesse erat controversiarum nodis, & de maxima, ob mutabiles rerum humanarum vices, eorum extricandorum difficultate; ea sola re damnosum creditorum securitati evalit hoc institutum, quod in illo ne cogitatum quidem fuisse videatur, qua ratione constitutæ intra privatos parietes hypothecæ ad communem omnium perducerentur notitiam. Hinc & quanta demumcunque esset, quæ circa saeculum restorationis litterarum in forum irrepserat Juris Romani veneratio; ægerrime tamen hæc ejus de hypothecis doctrina suffragia meruit emergentium tum e sua barbarie Europearum gentium, quibus præter *Antichresin*, & eam quidem varie temperatam, nulla alia in immobilibus cognita erat pignoris ratio, vid. THOMASIIUS *de usu prædict. inter paci. de retrov. & contr. pign. c. II. §. 28. seqq.* BLACKSTONE *Comment. on the laws of England* *II. 10. p. 3. 159. 160.* quæ & nostratisbus adeo se probavit, ut cum progrellu temporis eo excresceret Cleri

Pon-

Pontificii auctoritas, ut hunc contractum, tanquam usus
rariæ pravitatis vitio fœdatum, Jure Christophoriano ab-
rogandum pervinceret, *VII. JBL. LL. in fin.* prævale-
ret tamen propter suam æquitatem, contra expressam
hanc legem vetus consuetudo, & sic quidem, ut vix nisi
in causis Fiscalibus, & tum quoque magna cum judi-
cantium invidia, ex novo jure, quod reditus ex prædio
oppignerato perceptos in sortem computandos præcipie-
bat, in Judiciis pronunciari soleret, prout id observat,
STIERNHÖÖK de Jur. Sveon. & Gotb. vet. II. 5. 5.
p. 250. seqq. cfr. I. 1. JBL. StL. Cum tandem, quo
agriculturæ & commerciorum provehendorum caufsa faci-
lius commoveri posset nummus, nudam etiam immobi-
lium obligationem pignoris loco admittendam judicassent;
in id pleræque earum suas converterunt curas, ut fra-
gile hoc creditores ab omni parte tutos præstandi reme-
dium, novis circumseptum cautelis, dolis ac fraudibus
minus quam antea redderetur obnoxium. Nec sane par-
vi facienda est hæc juris emendatio, quippe qua semel
facta, ad totum hoc negotium adcuratius expoliendum &
contra novitias fraudes ulterius communiendum plana
patebat via. Quo tempore in patria primum usu vene-
rit *hypotheca*, difficile propter monumentorum defectum
est dictu. Existimaverim, ante initium seculi XVII. pro-
xime elapsi, nullum earum ostendi posse veitigium; &
hoc fortassis ineunte, consuetudine fori, & ex Juris Ro-
mani principiis, illas suisse introductas. Est mihi ad
manus *Ordinatio* quedam a Supremo Dicasterio Regio
Aboënsi, in informationem inferiorum judiciorum, a.
1657. promulgata, articulis *XLIV.* varia continens bonæ
frugis præcepta. Horum *Artic.* 42. ita sonat, *Sätter*
man Jordabreff i pant, vare så achtadt, som han
selfva jorden i brefvet står förpantadt badbe. Unde
H collig.



colligere fas est, in moribus positum fuisse ut jus hypothecæ in immobilibus, extra judiciali litterarum entionis aut scotationis in possessionem creditoris traditione, constituatur; ceu & id hac ratione legitimo cum effectu fieri posse, multis de plebe, nostro adhuc dum aevö, intime, perperam licet, est persuasum. Judicialem autem hypothecariarum obligationum adnotationem, circa hæc eadem fere tempora adhiberi cœpisse iudicio est, *Taxan på Domar, bref och Instrum. d. 18. Julii 1661.* qua sponulta pro istiusmodi adnotationibus judiciis pendenda definitur: quamvis, quoniam in foro illæ peragendæ essent, nondum fatis expresse sanctum fuisse videatur. Cfr. *K. Resol. d. 5. Decemb. 1664.* Prima, quantum constat, legalis sanctio, quæ hypothecas *in foro rei sitae* protocollo judicii inscribendas præceperat, & legitime inscriptis securitatis prærogativam addidit, continetur *Resol. Reg. d. 11. Maii 1665.* quæ ita babet: *Efter som och K. M. bärmed därhos förklarar, at bvilken som sin hypotbek bafver uti råttan tijd och vidb lagligit rum och ställe låtit protocollera, at dens rått skall i alla mätto blifva oförkränkt.* Quam taluberri-
mam constitutionem recentior deinceps ætas intemeratam servavit, & ne in perniciem creditorum detorqueri unquam possit, multis novis cautelis exornavit, ut mox dicetur.

(d) Hypothecam legitime constitutam vim suam ac effectum sortiri ab eo temporis momento, quo petitio de ea constituenda in foro competenti primum est insinuata, leges nostræ adfatum loquuntur. *K. Förordn. d. 11. Nov. 1730. §. 3. VII. 1. RBL.* Sed quæsum est in famosa illa causa *Plomgreniana* supra jam memorata, an valeret *hypotbeca*, quam legitimo ordine sibi constituendam poltu-

postulavit creditor, utut propter varia impedimenta judicialis confirmatio eid m postea non accefferit? Et licet *Judicium curiale majus* Holmense *adformativam* adoptaret, provocando, nescio ad quam fori consuetudinem, pro *negativa* tamen & a Supremo ibidem *Regio Dicasterio*, & in Senatu Regni per plurima suffragia a *S. Regia Majestate* est pronuntiatum. Vid. *acta illius process.* pp 10. 56. 152 - 156. Quæ quidem sententia & litteræ juris nostri & manifestis ejus rationibus quam maxime est conformis. Turpisimis enim calumniis ac collusionibus, quibus fides partim ac fama debitorum laderetur, partim certitudo ac securitas hypothecarum infringeretur, expositum iri omne hoc institutum, si eodem prorsus rediret, utrum hypothecam petieris solum, an, auditio debitore, judicialiter constitutam acceperis, unusquisque, quod opinor, nullo negotio intelliget.

§. IO.

Quo vero finis *judiciali* hac immobilium hypothecario nexu obligatorum *adnotatione* intentus, eo plenius, certius & commodius obtineri queat, varias circa illam *cautelas* observandas leges præcipiunt. Quarum quidem præcipuae sunt, quod fieri non debeant, nisi in *satis* ac *ordinariis* *Judiciorum Territorialium* & *curialium* urbicorum *majorum* confessibus (a): quod separatum super his cauiss protocollum consignandum, & consignatum ad Supremum in loco rei sitæ *Dicasterium Regium* intra breve definiti temporis spatium sit transmittendum (b): quod quæ constituitur hypotheca, ipsi etiam *chirographo* seu instrumento ex

quo debetur inscribenda (*c*): & quod tandem, si sufficiente debito, ultra unum vel plura decennia valebit, ante cujusque decennii elapsum utique renovanda erit ejus adnotatio (*d*).

(*a*) Luculenter monstrat universa de hypothecis petendis & constitutis Juris nostri compages ac series, hanc veram esse ejus mentem, ut ruri in statis tantum modo *Judiciis* (*Laga ting*) & quidem regulariter, prima, si petitio tum insinuetur, judicialis confessus die, constituantur *II. 3 VII. 1 RBI. XVII. 11. HBI.* In primis evidens est, quæ de termino, intra quem protocolla super his causis habita, supremis *Judiciis* insinuanda erunt *VII. 3. RBI.* statuuntur, ad *Judicia Territorialia extraordinaria*, applicari nulla ratione posse. Satis etiam liquet, quæ de *Judicio Territoriali* in causis civilibus privatis extra ordinem cogendo *IV. 2. RBI.* traduntur, ad solas causas *contentiose jurisdictionis* pertinere, eaque adeo *ad causas voluntariae jurisdictionis*, quarum in numerum hypothecaræ omnium consenserunt referuntur, haudquaquam esse trahenda. In municipiis pariter, licet petitio *utili* quocunque die insinuari possit, eum servandum esse tenorem, ut non nisi ordinariis diebus judicialibus, & potissimum quidem prima cujusvis hebdomadis constituantur, colligi quodanmodo posse videtur ex *VI. 3. RBI. coll. cum. IV. 2. JBI. XVII. 11. HBI. VII. 3. RBI.* & *K. Br. om arbets-inrättn.* vid *Rädst.R. i Stockb. d. 4 Nov. 1768* præfertim cum neque extraordinarios judiciorum curialium conventus, præter necessitatem, quæ quidem his in causis, si modo bona agatur fide, adesse nequit, urgendos illibi lex præcipiat. Cfr. *VI. 1. RBI.* Sed si qui fuerint, qui-

quibus minutiora hæc videantur, & qui licere sibi omnia, quæ non verbo tenuis in legib[us] prohibita sint, arbitrentur; pauciores tamen erunt, qui in meridiana luce adeo executant, ut non sua sponte illis in oculos incurrat, admissa hypothecarum in extraordinariis judiciis confirmatione, facile admodum futurum dolosis debitoribus cum uno aut altero suorum creditorum, quem indemnum cuperent, in ceterorum necem conspirare. Possent scil. amicis suis insuffrare ad incitas se redactos postridie aut intra proximum mensem Judicem de bonis cedendis adituros; ipsos interea, quo reliquorum cum damno quod suum est consequantur, rem optimam facturos, si procurata quantocvus sibi hypotheca, securitati luee consultum eant: id autem in judicio extraordinario, in quo ex dormientium adhuc creditorum concursu nihil quidquam mettiendum, certissimo cum successu fieri posse. An vero credibile est, in Civitate bene constituta, leges unquam ferri potuisse, quæ tantis fraudibus opitularentur? Nonne potius in manifesta iniunctate deprehensum dices eum, qui Jus nostrum cordato interpreti satis perspicuum, in ablurdum adeo & publicæ fidei exitiolum detorqueret sensum? Hinc & cum quidam, hypothecandi prædiis sui cruxsa, extraordinarium Judicium territoriale, a *Dicasterio Regio Åboënsi* constituendum postulasset, recte ejus luee petitionis repulsa tulerit, ad proximum Judicium ordinarium allegatus. Vid. *K. HofR. Protoc.* d. 19. April. 1784. cfr. infra bac §. not. (d).

(b) Separatum super his causis protocollo habendum esse primum cavebatur per *K. M. Resol. ocb stadj. öfver någre ärend. til Banco Werkets gagn d 30 April 1689.*
§ 1. que simul indices hypothecarum, secundum ordinem alphabeti digestos, quo sic facilius de illis consta-

ret, consciendos præceperat. Cautelam autem de his protocollis a *Judiciis Territorialibus* mox post peractum ordinarium quodvis judicium, a *curialibus* vero *urbicis* finito quolibet mense, ad *suprema judicia* transmittendis addidit *K. Br. d. 27. Maii 1701.* qua tamen, ex intempestiva fortassis ~~in~~ debitores misericordia, contra verum hujus instituti scopum monebatur, ne haec protocolla, sub peculiari & fidei custodia adservanda, temere & indiscriminatim cunctis evolvenda & legenda traderentur, *Börandes sedan slike upsatser på Intekningar bos Hof-Rätten hållas under en särskild och så trogen förvaring, at bvar och ens graverade tilstånd, för des dårunder beroende credits skull utan åtskillnad ej må lämnas til allas vetenskap.* Accuratius deinde ad solicitationem *Regii Dicasterii Holmensis* de hoc negotio fanciebatur *Litt. Reg. d. 6. Feb. 1712.* quibus præceptum, ut haec protocolla e *Judiciis curialibus* ante eiusplum XIV. diem mensis sequentis, e *Territorialibus* vero intra mensem post absolutum quemvis ordinariorum *Judiciorum orbem, Judiciis supremis* essent insinuanda, & quidem sub multa trium thalerorum pro singulis diebus, quæ præstitutum excederent terminum, a connumerata prima fatalem insequente, ad diem insinuationis non connumeratam computatis, *räknad den första påföljande dagen, sedan Terminen är förbi inclusive, intil den dagen han infäller sig, exclusive:* & ut porro, si vel nullam hoc intervallo peti contigisset hypothecam, id quoque intra idem temporis spatium & sub eadem pœna supremo *Judicio* significari deberet. Quocirca provisum ne longinguitas itineris, aut turbatus tabellariorum publicorum cursus, cuiquam fraudi esset. *Cfr. K. Svea HofR. Univ. d. 19. Junii 1701. & d. 14. Febr. 1712.* Quumque his ita constitutis nulla referret hypothecarias has

has adnotationes universo Regeſtorum Judicii corpori (*Domboken adpellamus*) inferi, ſupervacanęe hujus icriptionis moleſtiam Judiciis remittit. *K. Br. d. 6. Novemb.*
1712. K. Svea HofR. Univ. d. 12. Nov. e. a. Quo factō, ne tanuen ad plenam ac dilucidam cauſarum hypothecariarum cognitionem quidquam in hiſce protocollis ieparatim exſcribendis deſſet, accuratior eorum conſignandorum methodus, injuncta imprimis instrumenti, quo *debitum* riteretur, in illa iertione, *Judiciis* eſt præſcripta. *K. Svea HofR. Univ. d. 11. Mart. 1713.* Atque ſic quidem patet, quem in modum ex anterioribus constitutionibus petita ſint, quæ in *Cod. Fridericiano VII. 3. RBI*. de hoc argumento ſtatuantur; quibus tamē ad exactius perſciendam hanc, cui tantum momen-
ti ineft, legumlationis particulam, novæ infuper acceſſerunt adjectiōes, ad commodiorem reddendum horum protocollorum uſum directæ; utpote, *hæc*, coniunctim quidem cum iis, quæ de *immobilium* alienationibus proclamandis, de *Tutoribus* ordinandis, & *pactis antequuptialibus* adnotandis agunt, quibusque ſingulis idem iſuſuationis terminus eſt propoſitus. coniunctim inquam, ſed ſub peculiari & proprio ſuo *Titulo* digeſta exhibenda; & ad eorum marginem *Debitorum*, vel *prædiorum* obligatorum nomina adſcribenda eſſe. Quocirca ex occaſione moſe alicubi quæſitionis, authentica interpretatione declaratum eſt, quod, ſive *unius*, ſive *omnium* protocollo-
rum prædictorum neglecta fuerit iſuſuatio, eadem utro-
bique, abſque ullo divisionis beneficio, obtinebat mul-
ta. *K. Br. d. 16. Julii 1776.* Et quamvis regulari-
ter, ſi *Judicia Territorialia & Provincialia* excipias,
quarum diverſa eſt coniuctio, ſingula Judiciorum mem-
bra ex ſuis iuſſragijs pro circumſtantiarum ratione te-
neantur; attamen cum in municipiis *Praefidibus* Judicio-
rum

rum curialium incumbat curam agere, ut caussæ omnes legitimo ordine expediantur, quapropter & duplam multarum *Judicio concessarum* percipiunt partem; igitur placuit, ut mulctæ, qua ob neglectam horum & cæterorum protocollorum transmissionem, *Judicium curiale majus* adfici acciderit, Præses istius judicij *duplam*, Attestorum vero quilibet *simplam* luat portionem. *K. Br. d. 2. Maii* 1766. Cæterum huic de hypothecis peculiari protocollo inscribendis, coque Protocollo Dicasteriis Regiis mox prout diximus insinuando, cautelæ introducendæ, has potissimum subsuisse rationes, ut (1) facillimo ac unquam fieri potest negotio, & sine multo magnæ molis voluminum evolyendorum tædio, innoscere posset in publicum, quantum & quanto ære alieno onerata sint præd'a; (2) ut præscinderetur omnis occasio, posterioribus hypothecis in anterius tempus simulante conjectis, jus potius, *tacita* aut expressa hypotheca *tertio* prius quæsitum, fraudulentiter evertendi; (3) denique, ut, quod jam supra monuimus, remoto omni de occultis oneribus *bonis immobilibus* inhærentibus metu, promptior & securior efficeretur eorum sive alienatio sive oppignoratio; id quidem prudentijs caussæ hujus testimotoribus obscurum esse nequit.

(e) Nescio an in patria hæc, hypothecæ judicialiter constitutæ in chirographum ipsum, aut instrumentum quo *principalis* continetur *contractus*, inscriptio, ante promulgatam *K. Förordn. d. 11. Nov. 1730.* qua tamen apographo instrumenti inscribenda præcipiebatur, fuerit usitata. Eadem sanctioni preesse adhæserat editus non multo post hodiernus Codex *VII. 1. RBl.* Cum vero parum jam abesset, quin contraria consuetudine, penitus abolitum videretur saluberrimum hoc legis præceptum,

ptum, in usum illud denuo revocavit **K. Förordn. d.**
26. Aug. 1773. §. 20 additis ex ratione recentiorum
temporum clausulis, quod Creditor, non praesentato *ar-
cbetypo* chirographi hypothecam sibi constituendam flagi-
tans, ne audiendus quidem esset; quod si debitor ipse
in gratiam certi creditoris, rem suam immobilem hypo-
thecario nexus obligandam desideraret, Creditori nihilo
minus incumberet, si intra pomeria ejusdem jurisdictio-
nis domicilium haberet, *Arctotypum* chirographi, si
extra, *Apographum* a Judicio aliquo sibi viciniori in
protocollo descriptum, *ruri* in proximo Judicio, in mu-
nicipiis vero intra mensem, a die hypothecae constitutae
computatum, coram *ordinario Judicio caussæ* exhibere,
ut hypotheca eidem inscribatur; quodque his non ob-
servatis, irrita censenda foret, quæ constituta fuit hy-
potheca. Quam autem hæc omnia, corroborando pi-
gnorum obligatorum securitati inserviant, ex ante alla-
tis prouum cuivis eit judicare.

(d) Prudentissimum de hypothecarum adnotazione, ante e-
lapsum quodvis decennium, si interea non solutum fue-
rit debitum, aut caussa ad *concursum* non redierit, a
creditore nisi hypotheca sua excidere vellet, judicialiter
renovanda conilium **VII. 2. RBL** ingenio & providen-
tiæ debetur Conditorum Juris Fridericiani, qui hoc re-
medio obtentum iri sperabant, ut nec edax vetus las
hypothecarum deleret memoriam, nec de pecunia mu-
tuum danda rogatis, anque predium pignori oblatum ex
anteriori aliqua teneretur obligatione rescire a ventibus,
opus foret Regesta judiciorum pro integro & amplius fæ-
culo pervolvere. Verum sicut in humanis nihil timul &
inventum est & perfectum; ita idem fere circa hanc e-
venit cautelam, quippe cui ex veteri Brocardico, con-



tra agere non valentem nullam currere præscriptionem,
infelix subiectebatur clausula *Tber han ej laga förfall
boft* i. e. nisi creditor allegatis in sui excusationem le-
gitimis impedimentis moram purgare valeret. Hac sci-
licet admissa, parum utique aberat, quin everteretur o-
mnis, quæ alias ex laudato remedio exspectandus vide-
batur fructus. Ut cunque enim ex perlustratis protocollis
hypothecariis perspexisses prædium quoddam intra de-
cennium nulla pignoratitia obligatione fuisse oneratum,
dubitandum tamen semper supererat, annon quæ ante
decennium vel vicennium forte eidem annexa fuerit obli-
gatio, ostensis aliquando legitimis, quæ renovationem e-
jus morata fuissent impedimentis, denuo, in fraudem tuæ
pecuniæ, reviviscere posset. Sed inventis addere facile
est. Atque hinc, ut tanto efficacius creditorum securi-
tati consuleretur, & tuta ab hac parte redderetur hypo-
thecarum fides, memorata clausula punitus est sublata
noviori lege *K. Förordn. om ytterl. Säk. för län i R.*
St. Banco d. 10. Decemb. 1756. quæ peremptoriam de-
claravit hanc præscriptionem, & qualicunque impedimen-
to prætenso, oaktadt bjud laga förfall åberopas, ex-
stinctam pronunciandam juslit omnem, quam intra quod-
vis a prima sua constitutione decennium renovandam
creditor non curasset hypothecam. Quod quidem eo e-
rat æquius, quo certius est eum, qui tam longa usus
temporis opportunitate, renovationem suæ hypothecæ
nihilominus neglexit, si jure suo excidisse pronuncietur,
habere quod suæ fœcordiæ imputet. Maximæ enim fo-
ret imprudentiæ, aut in dormientiis alicujus gratiam, aut
intuitu casus cujusdam, in se quidem possibilis, sed ra-
rissime eventuri, publicam salutem in apertissimum vo-
care discrimen. Cæterum ad novandam hypothecam ad-
mitti haud posse creditorem, nisi prius ostenderit creditum

non-



nondum esse plene expunctum, per se liquet. Quapropter & a novationem petente, chirographum ipsum, aut ejus exemplum, eadem plane ratione ac dum ad hypothecam primum impetrandum agitur, coram judicio exhibendum esse, dilerte cavit K. Förordn d. 26. Aug. 1773. §. 20. At quamvis hypothecae nonnisi in *statis* & *ordinariis* judiciis Territorialibus, ut supra dictum est, constitui posint, nihil tamen obstat quo minus in *extraordinariis* renoventur. Confusionis autem & incertitudinis facile inde alias orituræ vitandæ caussæ, sapienter est provisum, ut quæ in *extraordinario judicio* hoc nomine acta sunt, regestis proxime in sequentis judicij *ordinarii* inferantur, quo sic quæ de ordinandis & ad suprema Judicia transmittendis hisce protocollis hypothecariis sancta sunt, legitime observari queant. K. Sv. HofR. Univ. d. 13. Decemb. 1776.

§. II.

Si hypothecam expressam vulgarem vel qua materiam vel qua formam nullitatis quodam vitio laborare acciderit, neque ulli ejus esse possunt effectus (a). Sin utroque respectu legitime comparata fuerit, jus inde enascitur *hypothecario*, etiam contra tertium possessorem efficax, ad solutionem sui crediti, nisi aliunde sibi satisfactum fuerit, tam *qua sortem* quam *usuras* ex re obligata, quoad pretium ejus sufficerit, obtinendam (b); salvo tamen aliorum, quos vel pares vel potiores in illa esse contigerit, ad consequendum quod suum est, jure (c).

(a) Qua *materiam* vitiosa est hypotheca, quæ vel (1) in re obliganti *non propria* adeoque *aliena*; vel (2) in re debitoris adusque vel ultra veram suam estimationem aliis jam prius obligata; vel denique (3) in rebus debitoris facultatibus notorie jam lapsi, quippe quæ non in iplius amplius, sed in tuorum creditorum dominio esse censentur, sicut constituta. Quod *primum* attinet, probe tenendum est, in dijudicanda questione, an *suum* an *alienum* rem debitor obligandam fecerit, non id spectandum esse tempus, quo jam ad solutionem debiti ex re obligata impetrandam actio instituitur, sed cum temporis articulum, quo prima ejus in judicio facta est obligatio, *XVII. 12. HBl.* Quomodo enim, cum ipse nondum quidquam juris in re haberet, ullam ejus particulam in alium transferre posset. Hinc si filius in prædio sui patris, heres eventualis in re immobili sperata, dominus utilis in prædio Fiscali cuius possessionem habuit, hypothecam suo nomine alteri constituendam subreptitie pervercit, evidens est, *nullam* omnino istam esse, utcumque jam, cum de execuzione in eam facienda agitur, hereditate vel emtionis titulo, in ejus devenerit proprietatem. Unde simul patet, quantum in eo situm sit momenti, ut, qua immobilia hypothecario nexu obstringenda, sedulo inquiratur, an revera in dominio sint debitoris, & quo titulo ipsi sint adquisita. Cfr. *K. Förordn. ang. län i Banquen d. 8. Maji 1739. §. §. 4. 6 K. M. Kundg. ang. Låne-Banquens öpnande d. 1. Mart. 1770. §. 1. K. Förordn. om län på omynd. fasta Egend. d. 29. April. 1756.* In secundo calu irritam esse hypothecam unusquisque intelligit. Ut vero quæ ab hac parte frequentius exerceri solent fraudes, praecaveri quodammodo queant, non tantum Judicibus injunctum est, ut in instrumentis, quibus hypotheca in re quadam immobili

con-

constituitur, expressam faciant mentionem an & ex quanta pecunia mutua res illa prius sit obligata, & quæ alia eidem fortassis inhærent onera, quorum intuitu pretium ejus infra prætensam aestimationem diminui queat.

K. Resol. d. 30. April 1689. §. 1. cfr. K. Svea HofR. Univ. d. 17. Decemb. 1757. verum & debitoribus ipsis, qui prædium, incio vel invito primo hypothecario, ultra verum suum pretium, altero aut tertio creditori obligandum fecerint, multa est proposita, sexta parte illius summae qua res minoris quam ut omnibus sufficeret vendita fuit, luenda *IX. 5. JBI.* Sed hæc omnia difficultate carent. Circa *tertium* autem momentum spinosæ admodum & intricatisime haud raro occurunt quæstiones, in quibus discutiendis prudentissimo etjam cuique aqua hærere solet. Generaliter quidem verum est, debitorem, quam primum se ultra vires suarum facultatum obseratum, & probabili omni ad lautiorem fortunam emergendi spe penitus destitutum sensit, in foro conscientiae obligatum esse ad singulorum suorum creditorum, quantum scilicet penes ipsum est, indemnati pari plene religione ac fide invigilandum; adeoque haudquaquam liberam ipsi esse potestatem præsentem eorum conditionem pro suo beneplacito immutandi, aut utius eorum defideriis cum cæterorum lætione velificandi. At utcunque hoc in confessio sit, quia tamen iniquum foret perfidiam *debitoris* nocere *creditori*, quamdiu apud hunc *bona est fides*; sit inde, ut quemadmodum in *pignore tradito XI. 4. HBI.* sic etjam in hypotheca, parum current leges, an debitor dum in eam unius vel alterius constituendam consenserit, *bona* vel *mala fide* id fecerit. Quis enim est qui non videat, quod si ex debitoris ipsius de sui patrimonii rationibus *scientia*, aestimanda esset hypothecarum validitas, idem tere hoc foret, ac si vel prorsus abro-

gatam velles hanc cautionem, vel data opera ditiores improborum fraudibus deprædandos objiceres. Sicut ergo, vi legitimæ excusationis, quæ *ignorantiae alieni facti* semper inest, ad validitatem hypothecæ sufficit, creditorem dum eam vel dandam sibi postulavit, vel oblatam acceptavit, *bona id egisse fide*: ita ex adverso, si ipse in fraudis venerit societatem, quod quidem obtinet, dum, utut certo sciret, aut saltim ex publica fama scire deberet, debitorem ad eam jam redactum esse inopiam, ut omnibus suis creditoribus satisfacere omnino nequeat, privatæ nihilominus suæ utilitatis studio abruptus, cum persona, cui bonorum suorum administrationem ipso jure ademptam intellexerat, de jure prælationis in *communibus* creditorum *bonis* constituenda pacisceret; manifestum est, invalidam utique censendam esse hypothecam, quippe quod nemini sua fraus prodefesse debeat. *XVII.*

12. HBI. K. Br. d. 18. April. & d. 4. Maii 1700. Sed utcunque in hypothesi recte hæc disputentur, in thesi tamen, cum ad speciales caussas eorum applicatio est facienda, quærendum plerumque restat, an adfint argumenta, ex quibus certo concludi queat, *notoriām*, adeoque nec creditori, cuius hypotheca impugnatur, incognitam fuisse obseratam debitoris conditionem. Si motus jam ante contra eum fuerit concursus, aut ipse ære alieno oppressus in fugam se contulerit, res extra omnem est dubitationem. *XVI. 1. 5. 6. HBI. K. Förordn. d. 26. Aug. 1773. §. 4.* Verum, quoties non accidit, ut debitores, vel vana eluctandæ suæ inopie spe, nimiaque suæ industriæ fiducia deluti, vel etiam præmeditata persidia testas fraudes testioribus aliis cumulando, genuinum facultatum suarum situm vulgi oculis callide subducant, & fatalem horam, qua ipsis flebile illud *cedo bonis* pleno tandem ore exclamandum erit, quam fieri potest

poteſt longiſime protrahaſt. Et licet interea vix ſatiſ queant, quin vacillans rerum ſuarum ſtatus ſaga-
ciorum ex judicio, eorum faltim, quibus frequentiora
cum illis intercedunt negotia, haud obſcuris ſe prodat
indiciis: diſſicillimum tamen eſt definire, quoṭ quan-
taque hæc concurrere, & quo claritatis gradu conſpicua
eſſe debeant, antequam abſque iniuitatis formidine iplos
*prodigiſ, infantibus aut furioſis æquiparandos, credito-
res* autem qui cum illis contraxerunt, in *mala fide* poſi-
tos, pronuntiare conveniat. Si ex leviuſculis quibusvis
ſuſpicionibus; ſi ex nuda incarceratione, que, ut ſatiſ
notum eſt, ex chirographo, quo quis ad ſolutionem cui-
cunque prætentanti faciendam ſe obligavit, etiam contra
bene nummatum, rarius quidem, nonnunquam tamen,
decerni potheſt, cfr. IV. 4. Uſ. Bl. K. Förordn. d. 19.
Maji 1756. K. Förkl. d. 12. Octob. 1757. & d. 28.
Febr. 1770. debitorem mox tanquam facultatibus lapſum,
& omnes contractus, criticis his diebus cum illo ini-
tios, abſque ulteriori diſquiftione dolofos & nullos ha-
bendos eſſe quis argueret; næ is injulfam haud raro
proferret ſententiam, in immeſitam utrinque & totalem
fortaſlis partium ruinam evaſuram. Anceps igitur & val-
de quidem anceps ut plurimum ante motum quoquo mo-
do *concurſum*, accidit harum cauſſarum deciſio. Viden-
dum namque eſt, ne fraudium averruncandarum zelo
commoti, eo nos abduci patiamur, ut aequabilem contur-
bemus commerciorum curſum, & charybdin vitaturi in
ſeyllam incidentes, creditores *bona fide* uſos, præter
juſ fasque gravi adſiciamus injuria. Que tamen omnia,
de illis prælertim, qui majores exercent pecunias, non
de iis quorum tenues ſemper exſtitere facultates, quarum
de viribus, quoſque ſufficient, vix ulli ſubtiliores cui-
quam oboriri poſſunt ſcrupuli, intelligenda eſſe, unus-
quis-

quisque perspicit. Leges Regni Galliae nullos declarant omnes contractus de bonis suis a Banci-ruptoribus, id est Mercatoribus, qui, ut Latinis dicebatur, *mensam exvertissent*, initos, qui decem integris diebus antevertent primum actum, ex quo ad collapsas debitoris facultates colligi solet, ab iis suscepimus. Hos autem omnes actus, quinam sint jura eorum speciatim definiti, de quibus simul adparet, solum debitorem eadem respicere, an nimurum is bona vel mala usus fuerit fide. *Anglorum* contra legibus praecipua ejus habetur ratio, qui cum obserato debitore contraxit: atque hinc secundum illa, ex unico debitoris actu, inopiam quamvis redolente, ad infirmandos ejus contractus nihil concluditur, nisi doceri queat, eum quo cum pactus est mala fide pepigisse. Audire juvabit de hac principiorum juris in utraque gente diversitate judicium Celeberrimi BLACKSTONE lib. cit. II. 31. 4. p. 486. in France this doctrine - - - is carried to a very great length; for there every act of a merchant for ten days precedent to the act of Bankruptcy is presumed to be fraudulent, and is therefore void. But with us the law stands upon a more reasonable footing, for as these acts of Bankruptcy may sometimes be secret to all but a few, and it would be prejudicious to trade to carry this notion to its utmost length, it is provided by Statute 19. Geo. II. c. 32. that no money paid by a Bankrupt to a bona fide or real creditor, in a course of trade, even after an act of Bankruptcy done, shall be liable to be refunded. Nor by Statute I. Jac. I. c. 15. shall any debtor of a Bankrupt, that pays him his debt, without knowing of his Bankruptcy be liable to account for it again. Idem §. 2. preced. p. 478. ostendit, in sua gente incarcerationem ob aës alienum nisi ad minimum per

per bimestre tempus in ea debitor perduravit, pro certo suæ inopiae indicio non haberi. Dabimus propria ejus verba: *Among the particular acts of Bankruptcy may be reckoned (9) lying in prison for two months, or more, upon arrest or other detention for debt, without finding bail, in order to obtain his liberty. For the inability to procure bail argues a strong deficiency in his credit, owing either to his suspected poverty, or ill character; and his neglect to do it, if able, can arise only from a fraudulent intention; in either of which cases it is high time for his creditors to look to them selves, and compel a distribution of his effects.*
 Quæ quidem omnia plus satis ostendunt, non ex propria debitoris, aut paucorum suorum amicorum, de imminente libi bonorum cedendorum necessitate, conscientia: non ex levidentibus *conjecturis*; sed ex publica ejus rei *notorietate* (sit venia vocabulo) pluribus evidenteribus factis suffulta; & inducta inde alterius contrahentis *mala fide*, de rescindendis actibus intuitu patrimonii ære alieno oppressi suscepitis, in hac gente judicari. Atque eadem hæc principia, quibus naturalis, ut jam subinuimus, ratio adserit, quæque fundamentum recisionis hypothecæ in socia fraude adquirentis collocandum demonstrant, nostris etiam legibus adoptata esse, & locus clasicus **XVII.**

12. HBI. & constans fori usus luculenter evincunt. Cum tamen his in causis nimia *hypothecariis* potius quam *ebiographariis* creditoribus subveniendi facilitate saepius & fortassis perniciolius peccetur, monuisse haud pigebit, non hic magis quam alias scepticismo in infinitum portrecto indulgendum, aut anxia scrupulofitate, an hypothecarius ipse, certam & indubiam, tempore constitutæ hypothecæ, inclinatarum rerum debitoris habuerit cognitionem, inquirendum esse. *Est modus in rebus; sunt certi*

certi denique fines, Quos ultra citraque nequit consistere rectum. Sufficit, opinor, ea de re publicam percrebuisse famam, & paucos, saltim pecuniariis negotiis implicatos, exire, quorum aures eadem non circumvolvitaverit. Juramentum hypothecarios, de sua p. a. c. i. ignorantia, deferre, quam lubricum & periculosum sit veritatis in hoc punto cruentae remedium, & res ipsa loquitur, & multiplex docuit experientia. Cæterum, quænam, qua formam, in tantum vitiola reputanda sit, ut ob ejus defectum rescindi debeat, hypotheca, ex superius §. §. 9. 10. allatis facile colligitur.

(b) Datur hypotheca *creditori* in securitatem pecuniae creditæ. Non ergo creditorem ad solutionem ex ipsa re obligata petendam absolute obstringi, unus quisque perficit. Hinc si deficiente apud debitorem pecunia numerata, ex aliis *mobilibus* minori cum circumductione distrahendis, commodius sibi fatisficeri posse intellexerit, optionem etiam ei leges concedunt, de executione ex illis facienda, contra debitorem experiundi. *V. 6. UtsBl. cfr. K. Br. om Execut d. 15. Octob. 1684.* Si nulla fuppertant nobilia, aut hypothecæ suæ inherere creditor ipse maluerit, jus ei competit ad solutionem & *fortis & usurarum*, quoad plene sibi satisfactum fuerit, ex illa legitimo ordine consequendam. Cautum quidem erat *XVII. 15. HBl.* ut moto *concursu*, & bonis debitoris aut sequestratis, aut in creditorum administrationem translatis, cesaret usurarum cursus; sed hoc, qua hypothecarios credidores pariter ac eos qui *pignore* sibi consuluerunt, jam est abrogatum recentiori lege *K Förordn. d. 10 Decemb. 1756*, quæ usuras, scubi rei oppignoræ preium nis exonerandis sufficeret, adusque diem prætitæ integræ solutionis computandas edixerat. Et quamvis debitori,

non

non obstante hypothecaria rei suæ obligatione salva maneat ejus alienandæ facultas, modo ne in *prædio immuni allodiali*, pignori oppolito, *dominium fundi*, & *dominium censu*, invito creditore divellantur. *K. Br.* d. 5. Febr. 1768. *K. F.* d. 26. Aug. 1773. §. 20. *in fin.* tantum tamen abest, ut facta alienatione dissolvatur hypotheca, ut potius immoti sit juris, rem nonnisi cum suo onere ad *tertium possessorem* transire posse, adeoque hunc ad creditum rei innoxum solvendum obligari, utcunque & suæ adquisitionis titulo, prægressa legitima ejus proclamatione, judicialis confirmatio accesserit, *IX. 2. JBI.* Fuerunt sane, qui verborum inhaerentes apicibus, sed vim eorum ac potestatem non tenentes, occasione formulæ *loco prox. cit.* occurrentis, *Ldter man sin PANT intekna, njute &c.* extimarunt, quin imo delensum iverunt, non aliam, quam quæ sub expressa pignoris mentione (*Pantförskrifning*) obligata fuit, hypothecam, leges nostras hoc effectu communitam voluisse; in *re* igitur, *pignori non scripta*, in qua quis hypotbecam judicialiter constitutam, (*Intekning*) simpliciter accepit, omnem, simulac debitor eam alienaverit, obligationem extingui; adeoque Emptorem de pecunia istius rei periculo credita, *actione in rem* conveniri haud posse. Nos contra, licet non negemus in Jure nostro *XVII. 9. 10. HBI.* voces *Pantförskrifning* & *Intekning* ita primo obtutu sibi invicem contradictandas videri, ac si diversa illis notio juridica subesset, arbitramur tamen, universa hac causa adcuratius discussa, ad oculum patefactum iri, nonnullum quid m., qua *antecedentia* constituendæ hypothecæ quod similem in *priori* casu nunquam, in *posteriori* aliquando necessaria sit debitoris auditio; qua *consequentia* vero hypothecæ jam constitutæ, nullum utique utramque vocem intercedere discrimen. Etenim quisquis consideraverit (1) adsumta illa

quam adversarii propugnant, opinione, illusoriam futuram omnem, quæ, formula *Pantförförskrifning* a debitore in chirographo non adhibita, creditori data fuit, hypothecari, quippe quæ ex mero debitoris libitu dissolvi possit; adeoque (2) omnes nostras, quæ de hypothecis simpliciter, absque supposita pignoris mentione a debitore facta, constituendis, agunt leges, in totidem laqueos, quibus imprudentiores, cum irreparabili sœpe facultatum suarum jactura, irretiantur, quod quidem communi sensui repugnaret, degeneraturas; porro (3) locis allatis, nisi manifesta vis perspicuo textui inferatur, eundem plane utriusque hypothecarum generi, in concurso creditorum effetum, quatenus prioritas temporis non obstiterit, esse attributum: ulterius (4) mancam prorsus, & præcipua sui parte mutilam, futuram, legis de executione crediti ex hypotheca facienda dispositionem *V. 6. UtsBl.* nisi viſſ pant i fast gods förförskrifven, & inteknadt fast gods, pro synonymis accipientur, quippe quod admisla contraria sententia, ne literulam quidem de bis in solutionem debiti distrahendis, in toto existare Jure concedendum foret: Et tandem (5) efficacissimum, quod, occasione interversæ a Judice quodam *extraordinario* pecuniae, retrahendi prædii extra familiam divenditi cauſa in judicio depositæ, de qua legatur *Riksd. Tidn.* 1766. p. 605. cfr. *ibid.* p. 541. in retrahentis, si superior discederet, securitatem a S. Regia Majestate, rogantibus Regni ordinibus introductum fuit remedium, ut nempe Emotori, nisi in quantum ostendere valeret præmium retrahendum ab omni *Hypothecaria* obligatione five tacita ob residuum pretium emtionis, five expressa vacuum, depositam pecuniam tollere non liceret, *K F. ang. Bördesk. lyft. d. 7. Aug. 1766*, in superfluis penitus aut rectius absurdis, quod tamen nemo sanus dicere ausit, connumerandum esse cautelis, quomodo

nus

nus supponatur Hypothecam, re quamvis a debitore alienata, inconcussam persistere; quisquis inquam hæc omnia secum rite perpenderit, ultro fatebitur, commentitiam & cavillatoriam esse istam inter *Inteknad Pantförskrifning* & *Intekning* distinctionem, & pertinere hoc ad omnis Hypothecæ in immobilibus expresse constitutæ essentiam, ut *debitor citra Creditoris consensum eam alienans precedentem non dissolvat obligationem l. 10. Cod. de remiss. pign. Cir. K. M. Dom den 27. Jan. 1783.*

(c) Cfr. §. sequ.

§. 12.

Diximus omnem hypothecæ effectum, salvo jure tertii esse intelligendum. Existente itaque inter plures hypothecas collisione, tenendum est, *Hypothecam Tacitam generalem*, *privilegio cauſæ innixam* omnes alias qualesunque hypothecas vincere (a). *Hypothecam autem tacitam specialem* semper & absque exceptione Hypothecæ expressæ in eadem re immobili constitutæ præferendam (b): Ex duabus porro *Hypothecis* quarum una est tacita generalis ex *privilegio personæ* lege concessa, altera expressa, eam quæ tempore est prior posteriori anteponendam esse (c): Sin duæ Hypothecæ expressæ vulgares concurrant, eam quæ prior est tempore jure etiam petiorem censi (d): Simultanearum autem unam alteri non derogare, sed, pecuniam ex hypotheca redactam, si omnibus Hypothecariis non sufficerit, pro rata inter illos esse di-

videndam (e). Nec ulla *Fisco* his in cauſſis præ *pri-vatis* indulta eſt prærogativa (f).

(e) Quibusnam ex *favore cauſſe* lege data fit Hypotheca in *omnibus bonis* debitoris ſupra §. 6 a *nota (a)* ad *notam (f)* eſt expoſitum. Ex allatis autem ibi Juris noſtri locis liquido eluceſcit, illos qui hac gaudent Hypotheca, omnibus aliis præferri, quæ igitur repetere jam non o-pus eſt.

(b) Egimus de *Hypothecis tacitis* quæ *certam* quandam *rem immobilem* adſiunt, ſupra §. 5. a *nota (e)* ad *notam (i)*. Hæ ergo cum *Hypotheca expreſſa* eadem in re judicialiter conſtituta concurrere poſſunt. Dum au-tem illud eyenit, valere quam tradidimus regulam, ex locis memorata §. allegatis, ſi cum XVII. 9. 10. *HBl.*, contendantur, dilucide appetat.

(c) Veritatem hujus regulæ diſerte conſirmat XVII. 8. *HBl. in fin.* Quia autem certitudinis dominiorum & ti-dei rerum creditarum valde interefit, præcaveri, ne hæc, de qua jam loquimur, collilio exiſtat, hinc & in eam avertendam leges curam intendiſſe novimus. Facili quis-que negotio ſibi cavere potest, ne ex ſua hypotheca cum *Fisco*, *Piis corporibus Universitatibus*, de quibus cfr. *K. Förordn. d. 28. Nov. 1791.* & *Nobilibus* qua bona eorum qui illis a rationibus ſunt, in collisionem incideat. Haud ægre ſcilicet cuivis innotescere potest, hanc vel illam personam, quæ mutuum rogitet, pecunie privile-giatæ aut colligendæ aut diſpenſandæ eſte præpoſitam. Qua *Tutores* vero, quorum in omnibus bonis *Pupillis* ſuis *hypotheca tacita generalis* eſt ſtatuta, cfr. ſupra §. 6. *not. (g) p. 35. ſeqq.* diſſicilior eſt cautio. Ne ab hac parte,

parte, creditoribus, sue securitati aliquanto diligentius advigilantibus, quidquam periculi esset extimeſendum, ea quidem fuit Legumlatoris providentia, ut imposta *Judiciis Territorialibus & Curialibus Urbicis Majoribus* necessitate, protocolla de constitutis Tutoribus habita, intra eundem, ac de protocollis super hypothecariis causis habitis nuper §. 10. not. (d) p. 65. dictum est, terminum, & sub eadem multa, ad *Judicia suprema transmittendi*, viam quadantenus singulis patesceret, qua innotescere ipsis posset, quibus pupillarem pecuniam tutorio nomine administrandam committi contigerit *K. Förordn. d. 15. Decemb. 1756* cfr. *K. Sv. a HofR. Univ. d. 22. Feb. 1758.* & *K. Br. d. 16. Julii 1776.* *K. Åbo HofR. Univ. d. 15. Aug. e. a.* Verum tamen, ad certam & indubitatam ejus rei scientiam consequendam, non usquequa efficax esse hoc, quale nunc est, remedium, aliis jam est observatum. Vid. HERNBERGH *de consignat. æris alieni, Ups. 1784. P. poster. §. 9.* An quæ supplendis defectibus, quibus in hoc arguento manente laborat Jurisprudentia nostra, ibidem proponuntur conilia, sperato effectui aadeque respondeant, & an omnem hujus caussæ ambitum exauriant, nos equidem jam non examinabimus. Nemini enim super suis opinionibus item movere animus est. Difficile esse omnibus hujus instituti nœvis succurrere, lubentes agnoscimus. Si tamen, quæ ad certiorem quam haec tenus de anteriori gravamine bonis debitoris innexo scientiam, e qua & *pupillorum & creditorum* securitas tantopere pendet, obtinendam profutura vita sunt, brevissimis indigitare nobis licet, hac fere illa erunt: nimirum (1) cavendum videtur, ne aut *Patri*, defuncta sua uxore, aut *Matri* viduæ integrum sit administrationem suscipere bonorum, quæ liberis ipsorum hereditario titulo ob-

vene-

venerunt, nisi informato prius ea de re Judicio competenti, coram illo protocollo, quod super Tutoriis causis ibidem habetur (2). Cum *Judicia* nounulla *privilegiata personalia* potestate gaudeant, Tutorum iis, qui iuæ jurisdictioni subsunt pupillis, constituendorum, omnino necessarium existimaverim, ut, sin minus hæc potestas illis auferri posset, horum etiam protocolla, quatenus hoc negotium spectant, *Dicaesteriis Regiis* exhibenda præcipiantur, quo sic illis in unum locum coactis, commodior illorum perlustrandorum copia cuvis fieri queat. (3) Adprime conduceret, nt in ipsis Dicaesteriis Regiis, quorum officium est, pupillis ex *nobilium* ordine, de idoneis prospicere tutoribus, leparatum, similiiter ac in inferioribus *Judiciis*, super his causis consignaretur protocollum, cum cæteris ad rem tutoriam pertinentibus, uno volumine pro quolibet anno compingendum. Qnoscirca (4) ad levandam in pervolvendis his protocollis operam valde conferret, si in Dicaesteriis Regiis, adcuratissimi omnium tutorum indices, alphabetica serie ordinati, conficerentur, adnotatis pagina aut folio voluminis, in quo de singulis eorum plenior haberri posset notitia. Nec a scopo alienum putarem (5), si Tutoribus injungeretur, ut confecto rite bonorum pupillarum inventario, quantitatem eorum, qnæ ipsis administranda cesserunt, in *Judicij* protocollo designandam facerent. Quemadmodum & denique (6) multiplici intuitu utile foret, si *finita tutela*, & rationibus ejus redditis, atque a pupillo seu ejus herede dispunctis & recognitis, compellerentur Tutores ad illud Judicio indicandum, & si, pati plane ratione ac cum hypothecis, quæ solutione evanuerunt, ex legis præscripto fieri solet, ad marginem illius protocolli, quo Tutor constitutus fuit, adnotaretur, eum jam ab ista tutela gerenda immunem esse.



esse. Aut omnia me fallunt, aut peritis causa^e hujus
æstimatoribus facile erit perspectu, ex his cautelis, si
in communem reciperentur usum, quod quidem effectui
pronum esset, multum accessum fore adjumenti, & ad
pleniorem fidem testi^onii, an ulla huic vel illi tutela
fit demandata, quæ ex actis Dicasteriorum Regiorum ex-
pediri solent, conciliandam, & ad minuendam operam,
quam hodiernum illis testi^onii debita cum adcuratione
& certitudine instruendis impendi necesse est. Et licet
graves obstat rationes, quo minus fieri queat, ut in
constituendis tutoribus, unumquodque Judicium illas so-
las sequatur personas, quæ intra terminos jurisdictionis
illius, cui pupilli subsunt Dicasterii, domicilium habe-
ant: attamen quo facilius, adoptatis his cautelis, *debitor*
evaderet, idoneum e singulis Dicasteriis, super hac
re testimonium impetrare; & quo magis indubiam, illis
impetratis, *creditori* suo fidem facere posset, bona sua
pupillari hypotheca, aut plane non, aut qua exiguum
admodum fui partem, obnoxia esse; eo etiam iniquior
foret, si de imposta sibi, singula quatuor Regni Dicaste-
ria, istiusmodi testi^onii causa, adeundi necessitate, ul-
lam cieret querelam. Non me fugit, ne his quidem o-
mnibus observatis effici posse, ut nunquam existat inter
has, de quibus nobis sermo est, hypothecas collisio. Non
enim repugnat, aliquem acceptis & exhibitis testi^onii
nullam sibi tutelam esse delatam, pecuniam mutuum fu-
mire, & antequam huic mutuo hypotheca accesserit, tu-
toris muneri obeundo, aliquando præter spem suam &
opinionem, admoveri. Sed est ea humanarum rerum
conditio, ut contra omnes calus & graviter improborum
decipulas, vix ulla^e sufficienes excogitari queant cautelæ.
Quantumcunque legibus securitatem creditorum circum-
vallaveris, aliquid tamen semper remaneat, quod ex mu-

tuum regan ium persona, moribus & circumstantiis erit
dijudicandum.

(d) Vid. XVII, 9. 10. HBl. K Br. d. 2. *Maji* 1698.

(e) Simultaneæ judicantur hypothecæ, quas diversi creditores, vel in eodem ordinario Judicij territorialis confessus termino (å ett och summa Håradsting), vel eadem Judicij curialis majoris confessus die (å en Rådstufvudag), constituendas sibi legitimo ordine petierunt, quamvis ipsa *constitutio* in hujus vel illius gratiam, in alio deinde confessus judicialis termino impetrata fuerit. XVII. 11. HBl. coll. cum VII. 1. RBI. Cumque his in casibus, in quibus par fuit singulorum vigilancia, nulla adsit ratio cur unus eorum alteri præferatur; patet hypothecam inter illos esse communem, adeoque pro rata fortis dividendam.

(f) Olim saepe & multum dubitatum est, annon *Fisco*, nulla licet vel posteriori hypotheca munito, jus prælationis præ privatis hypothecariis, inque casu colliionis præ anterioribus vindicandum esset. *K M. Br. til Landsb.* d. 5. *Julii* 1682. cfr. *K. Br. d. 3. Novemb. 1697*. Sed finem huic controversie imposuit *K. Resol. d. 12. Jan. 1688*, qua similem in modum ac *Imper. ANTONINUS Pius I. 4. Cod. qui pot. in pign. rescripsit*, decretum est, ut qui fundum pignori accepisset, antequam rei publicæ obligaretur; sicut prior esset tempore, ita potior jure. cfr. *K. Br. d. 4. Maji 1695. d. 3. Nov. 1697. K. Resol. på Ridd. och Adel. Besv. d. 25. Octob. 1686. §. 16, & in primis K. Br. til Stånd. Commiss. d. 1. Febr. 1700*. Quod & postea Codice Fridericiano confirmatum. XVII. 8. HBl. in fin.

§. 13.

Dissolvi autem hypothecam expressam judicialiter constitutam, omnibus illis modis, quibus tollitur contra-

traditus principalis cui eadem accedit per se patet (a). Dissolvitur præterea stante hoc contractu, *renunciatione* (b), ac *præscriptione*, si ultra legitimum tempus differatur ejus renovatio (c). Ubi vero in solutionem crediti distrahenda venit hypotheca, tenendus est ordo legibus definitus, quo sic non *creditoris modo & debitoris*, sed & si prædium hypothecatum *retractui* sit obnoxium, retrahentium jura sarta tectaque serventur (d).

(a) Omnem que pecunia estimari potest obligationem civilem, vel *solutione IX.* 2. 3. *HBl.* vel *compensatione IV.* 7. *Ut/Bl.* vel *delegatione*, si quod debetur, a delegato revera præfetur *IV.* 6. *Ut/Bl.* vel *confusione*, cum obligatio debitoris & jus creditoris in eadem persona coalescunt, vel *oblatione & consignatione debiti*, si creditor in mora fuerit recipienda solutionis: vel denique *remissione debiti*, tolli & exitinguiri, id quidem notissimi est juris. Quin autem sublato *principalī* tollatur etiam *accessorium*, nemo dubitaverit. Tenendum tamen (1) Omnimodam, antequam exsincta censeretur hypotheca, desiderari debiti solutionem. *Quamdiu enim*, ut recte *I. 6. Cod. de distr. pign. non est integra pecunia creditori numerata, etiamsi pro parte majori eam consecutus fit, distraendi rem obligatam non amittit facultatem.* (2) Solutione debiti hypotheca communicti plene facta, eam representato *chirographi* archetypo, *judicio* significandam, ut regestis ejus interbatur, & ad marginem quoque illius protocolli, quo decreta fuit hypotheca notetur, prædium obligatum onere suo liberatum jam esse. *VII. 2. RBl. in fin. K. Förordn. d. 26. Aug. 1773. §. 20.*

(b) Ex arbitrio creditoris pendere quisque intelligit, an quam accepta hypotheca creditit pecuniam, in posterum, missa hoc adjutorio & nulla vel etiam alia e. g. *fidejussoria* cautione sibi præstata, debitori creditam velit. Si ergo hypothecæ suæ ipse

ipse renunciaverit, volenti fieri nequit injuria. Expressis autem verbis hæc fiat renunciatio. Neque enim ex nudo creditoris in alienationem rei obligatae consensu, ad remissam etiam hypothecam concludere fas est. Sin cum anatocismo *novari* contingat chirographum, *IX.* 7. *HBl.* consultissimum videtur, ut reservata fibi priori hypotheca, eam quoque in judicio restaurandam & novo debito accommodandam faciat creditor. Quæ cæterum de *tacita* hypothecæ *remissione* a *Juris Romani* interpretibus copiose disputari solent, parum vel nihil in nostra jurisprudentia habent utilitatis.

(c) Vid. *supra* §. 10. *not.* (d) p. 72.

(d) Modum quo in distrahendis hypothecis procedendum sit describunt *V.* 5. 6. *UtfBl.* & *IX.* 3. 4. *JB.* Hoc unum monendum est, ad *immissionem* in possessionem rei immobilis obligatoꝝ, ob adhaerentem rationum pro fructibus perceptis reddendarum conditionem, rarius a creditoribus agi solere; sed potius absque *pregressa immissione*, ad *proclamationem* pignoris, ejusque nisi aliter de pretio convenierit, *estimationem*, de qua c. *VIII.* *UtfBl.* properari: tum debitore ipso, aut quibus forte eius retrahendi facultas jure concessa est, intra tempora ipsis præfinita illud non reluentibus, creditori quidem jus esse illius ex *estimato* retinendi *I. I.* *JB.*: Sed ut plurimum distractionem ejus publica *subhaftatione*, eaque regulariter augendo & minuendo peracta, fieri, cfr. K. Förordn. d. 17. Febr. 1748. Förkl. d. 15. Dec. 1749. Atque tum demum, si pluris venditum fuerit, quod summam debitam superat, *debitori* restituendum, si minoris, quod deficit, ex aliis hujus rebus creditori refundendum esse. *IX.* 4. *JB.* Peculiaria autem, quæ, servatis essentialibus, mensæ Regni Argentariæ, qua suas hypothecas, carumque distractionem, indulta sunt privilegia, qualia sint, edocemur in primis ex K. Resol. d. 30. Apr. 1689. K. Resol. d. 15. Nov. 1711. K. Förordn. d. 27. Janii 1720. §. 16. K. Förkl. d. 15. Julii 1752. K. Förordn. d. 12. Januar. 1757. K. Br. d. 5. Febr. 1768. K. Sv. HofR. Univ. d. 9. Mart. 1768. K. Förordn. d. 30. Maii 1781. §. d. 19. Aug. 1789. Hæc quippe per se clara, & temporis & rei familiaris longius persequi vetat angustia.